

Headline	Khazanah Warisan Alam Semula Jadi - Koleksi Produk & Artifak Frim		
MediaTitle	Sinar Harian		
Date	12 Mar 2014	Color	Full Color
Section	Nasional	Circulation	160,000
Page No	38	Readership	509,000
Language	Malay	ArticleSize	191 cm ²
Journalist	N/A	AdValue	RM 2,428
Frequency	Daily	PR Value	RM 7,284




**Khazanah Warisan Alam Semula Jadi
- Koleksi Produk & Artifak Frim**
Pengarang: M Noor Atizza, WY Wan Zahiri,
H Khali Aziz, NM Nik Zanariah
Muka surat: 127 Harga: RM220

KHAZANAH Warisan Alam Semula Jadi – Koleksi Produk dan Artifak Frim diterbitkan sebagai satu bahan rujukan umum mengenai produk dan artifak yang diperbuat daripada bahan dan khazanah sumber semula jadi yang terdapat di negara ini. Semua produk dan artifak ini merupakan bahan koleksi yang ditempatkan di Muzium dan Galeri Frim yang telah dikumpulkan semenjak 1970-an lagi dan dipamerkan kepada umum sebagai bahan rujukan produk yang dihasilkan daripada sumber alam semula jadi negara.

Ini termasuklah produk dan artifak yang digunakan oleh masyarakat zaman dahulu yang diperbuat daripada bermacam-macam jenis kayu hutan tropika seperti cengal, tembusu, merbau, keranji dan tempinis serta daripada rotan dan juga buluh. Di Muzium dan Galeri Frim terdapat koleksi tidak kurang daripada 130 jenis produk dan artifak dan ada antaranya yang telah menjangkau umur 100 tahun.

Daripada jumlah tersebut, buku ini memberi penerangan ringkas mengenai keunikan 54 jenis produk dan artifak terpilih dengan memaparkan gambar produk dan artifak tersebut berserta dengan penerangan dari segi kegunaannya, bahan asas ia diperbuat dan anggaran umur produk dan artifak berkenaan.